

# Maika Asiria naniktä Juda ämawebe komi piäken api yepmanpek

## 5

*Maika 5:2-5*

*Intäjukun äma kubätä Betlehem komeken api  
ahäwek*

<sup>2</sup>\* Yawetä ñode yäyak;

Betlehem Efrata, gäk Juda kome täño yotpärare päke unitäño täpuri ude itan. Upänkañ inken intäjukun äma pähap kubä api ahäwek. Ahänpäñ näkñaken äbot, Isrel ämawebe u näkño wäpna terak api yabäj yäwarek. Äma unitäño oraniye uwä bianinik umu ahänkuñotä ahäj yäpmäj äbäkañ.

<sup>3</sup>\* Unita Yawetä Isrel äbot iwan keru terak yepmanpäñ it yäpmäj kuñtäko webe kubä Ekänitä iwoyänkuko unitä nanak api bäyawek. Kadäni uken intäjukun äma unitäño noriye ätu ämatä komeken komi epän terak itkuño u äbänpäñ Isrel noriyekät äneñi kubäkengän api itneñ. <sup>4</sup>\* Täñpäkañ intäjukun äma unitä yawakiye Yawe Anutuni täño kehäromi ba wäpi ba epmäget kudäni uterak watä kehäromi api it yämek. Watä it yäminjirän säkgämän api itneñ. Täñkañ äma unitäño kehäromi ba wäp binam ärowanitä komeñi komeñi api kuñ morewek. <sup>5</sup>\*

---

\* 5:2: Mat 2:6; Jon 7:42      \* 5:3: Mat 12:50; Rom 9:23-28, 11:5

\* 5:4: Ais 40:11, 49:9-10; Ese 34:23-24; Jon 10:24; Sam 45:6; Mat 25:1; Efe 1:13      \* 5:5: Ais 9:6; Luk 2:14; Jon 14:23; Efe 2:14-17

Ude täñkañ bänep kwini täño mähemi ude api it yämek.

## 6

### *Maika 6:1-8*

#### *Yawetä Isrel ämawebe manken yepmañkut*

<sup>1</sup> Yawetä man yäyak ño juku peñpäñ nadäwut! Näkä in manken tepmañtat ñowä mebärijin yänähäñpäñ näwerirä pom imaka, nadäwut! <sup>2</sup> Oi pom, in ba kome täño meham kehäromi tärek-täreki nämo it täkañ in juku peñpäñ Yawetä Isrel ämawebe manken yepmañpäñ man piä täñpayäñ täyak ño nadäwut.

<sup>3</sup> \* Yawe näkä ñode täwet yabätat; Ämawebenaye, näkä goret jide täñ tamiñkut? Ba bäräpi jide u pewa ahäñ tamiñkut? Unita kowata näwerut! <sup>4</sup> \* Näkägän Isip kome, komi piäken nanik in wädäñ tädotpäñ tämagut yäpmäñ äbut. Kädet täwoñäreñpäñ yän-täkñat yäpmäñ äbähta Moses kenta Aronkät Miriam upäñ iwoyänpäñ yepmañkut. <sup>5</sup> \* O ämawebenaye, Moap nanik täño intäjukun äma wäpi Balak unitä waki täñ tamikta nadäk tawañ peñkuko unita juku piwut. Ude täñ tamikta nadäk tawañ peñjirän Beo täño nanaki Balam unitä Balak iwetkuko unita imaka, nadäwut. Ba bämop äma ätu topmäk-topmäk täño gäpe Gilgal yotpärare yäpmäñ kuna yänpäñ Sitim kome peñpeñ kuñtängän ume tañi kubäken ahäñirä kudän näkä pewa ahäñkuño unita juku piwut. Imaka udewanita juku pinayäñ

---

\* **6:3:** Sam 50:7, 81:8,13; Rom 3:4-5, 3:19      \* **6:4:** Kis 4:10-16, 12:50-51, 15:20      \* **6:5:** Nam 22:2-24:25; Jos 3:1-4:19

täno uyaku injin täñkentäñ tamikta jide täñ tamiñkuro u api nadäñpäñ yäpmäñ kuñatneñ.

*Kudän Yawetä gäripi nadäk täyak unita man*

<sup>6</sup> Yawe Anutu kunum gänañ nanik u iniñ oretta äbäñpäñä imatäken upäñ täga yäpmäñkañ äbet?

Bulimakau nanaki säkgämäninik upäñ yäpmäñ päbä irona ude täga ijiñ imet?

<sup>7</sup> Ba sipsip ämani tausen mäyapinik iñamiken yäpmäñ äbäñjira gäripi nadäwek ba nämo?

Ba olip gakñi käbot tausen mäyapinik udepäñ yäpmäñ äbäñjira Yawetä unita gäripi nadäwek ba nämo?

Ba nanakna intäjukun nanik mominata kowata utpäñ iniñ kirewero uwä iñamiken tägawek?

<sup>8</sup> \* Ude nämo! Yawetä kädet täga nintä täkta uku bian niwetpäñ niwoñärenkuk. Unita kädet ugänpäñ täkta nadäk täyak. Kädet u ñode;

Ämata kudän siwoñi täñ yämiñkañ orakorak kädet iwatpäñ nininta nadäna äpani täñpäpäñ Anutunin gämoriken kuñatpäñ ukät bänep kubägän itne.

---

\* **6:8:** Stt 18:9; Sam 73:28, 37:26; Ais 58:6-9; Hos 6:6; Efe 4:32; Jem 4:6-10; 1Pi 5:6

**Anutu Täŋo Man**  
**The New Testament and portions of the Old Testament**  
**in the Tuma-Irumu Language of Papua New Guinea**  
**Nupela Testamen na sampela Olpela Testamen long**  
**long tokples Tuma-Irumu long Niugini**

copyright © 1997, 2011 Wycliffe Bible Translators, Inc.

Language: Tuma-Irumu

Translation by: Wycliffe Bible Translators

This translation is made available to you under the terms of the Creative Commons Attribution-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not make any derivative works that change any of the actual words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2016-09-20

---

PDF generated using Haiola and XeLaTeX on 3 Mar 2023 from source files dated 9 Oct 2020

914cbf46-f59a-54d1-b209-0f763534edb5